

НЭ'МА ЙУН'ЭННАЙЭ ПЕШЬН

Пешготын

Ньвиск'ар хвэха наве хвэ нэ'меда надэ, ле ль гора ван шэ'дэд сэдсалиед пешьнда хөдане ве нэ'ме Йун'энна^ф йэ, ава готи хут эв Йун'энна йэ, йе кө «Мьзгинийа ль гора Йун'энна» ньвисийэ. Йун'энна ве нэ'меда сэр дө мэрэма сэкьнийэ:

1. Дьл дьдэ бэр хвэндэвана, кө йэктийа Хвэде у Көр'е Ви Иса Мэсидэ бьжин.

2. Хвэндэван мьрати хвэ бьн, кө пэй хинкьрьнед шаш нэчын, к'ижан йэктийа т'эв Хвэде хьраб дькьн.

Ль гора дитьна ван дэрсдарад шаш, һэр тыштед кө ве дьнеда бэрч'э'ва нэ, эв хьраб ын, т'эне тыштед р'өһ'ани қэнщ ын у тыштед физики у р'өһ'ани нькарын быгьнижьнэ һэв кө бьбьн йэк. Лэма жи вана бь ве фькьра хвэ нькарьбу бавэр бькьра, кө Исайте Көр'е^ф Хвэде бь хун у гошт натийэ ве дьне, өса жи эв нькарьбу бьмьра. Сэрда жи ван дэрсдарадин дькьр, кө һынге мэрв^ф дьгьнижэ хьлазбуне^ф, гава т'эвқе хвэ жь дьне дьқэтинэ. Вана бавэр дькьр, кө йед р'өһ'ани дькарын һэр шур'э бенамуси у к'е-фед хвэш дэрбаз кьн, чьмки һэлэқэтийа р'өһ' т'эви қальб т'өнэ у р'өһ' наһ'эр'ьмэ. Сэдсалийа йэке һ'эта сьсийада эв хинкьрьна «гьностикийе» дьһатэ бэлакьрьне.

Шанди^ф зэлал дьбежэ кө Мэсид р'аст бу мери. Эве кө ве йэке қэбул накэ, вэки Иса Мэсид бэдэна инсенда һатэ дьне, эв жь Р'өһ'е Хвэде хэбэр надэ, ле эв жь эк'симэсид э (4:3). Зар'ед Хвэдейэ р'аст һьндава һэвда р'астийе у һ'эзкьрьнеда дьминьн, ле «йе кө һ'эз накэ эв Хвэде нас накэ, чьмки Хвэде һ'эзкьрын э» (4:8).

Сэрэшэма фькьра нэ'ме

Пешготын (1:1-4)

Р'онайи у тэ'ри (1:5–2:29)

Зар'ед Хвэде у зар'ед мирешьн^ф (3:1-24)

Р'асти у нэр'асти (4:1-6)

Борще һ'ызкьрьне (4:7-21)

Бавэрийа сэрк'эти (5:1-21)

Хэбэра жийине

1 ¹Эм сэр we йэке вэр'а ды-
бежын, чь кё сэре серида
һэбу, мэ эw йэк бьһист, бь
ч'э'ве хвэ дит, ль Wi ньһер'и
у дэст данэ Wi: Эw Хэбэра
жийине йэ*. ² Жийин э'йан
бу, мэ эw дит, эм шэ'дэтийе
дьдын у бона we жийина^ф һ'э-
та-һ'этайе вэр'а дыбежын, йа
кё шэм Баве^ф бу у мэва э'йан
бу*. ³ Эw тыште кё мэ дит у
быһист эм вэр'а жи дыбежын,
wэки һун жи мэва т'эвгьре-
даи бьн у эв т'эвгьредана мэ
жи т'эви Бав у Көр'е Wi Иса
Мэсиһ э. ⁴ Эм ван тышта вэр'а
дьньвисьн, wэки шабуна мэ*
т'эмам бэ.

Хвэде р'онайи йэ:

Эм нава р'онайиһа Wiда
һэр'ьн

⁵ Эв эw готьна кё мэ жь Wi
быһист у э'лами wэ дькьн, кё
Хвэде р'онайи йэ у т'ө тэ'ри
Wiда т'өнэ. ⁶ Һэгэр эм бежын:
«Эм Хвэдева т'эвгьредайи нэ»,
ле тэ'рийеда бьгэр'ьн, эм дэ-
рэwa дькьн у р'астийе накьн.
⁷ Ле һэгэр эм р'онайеда бьгэ-
р'ьн, чава кё Эw р'онайеда йэ,
эме һэwва т'эвгьредайи бьн у
хуна Исайе Көр'е Wi we мэ жь
һ'эму гёна^ф паqьж кэ. ⁸ Һэгэр
эм бежын: «Гёне^ф мэ т'өнэ», эм
хwэха хwэ дьхапиньн у р'асти
нава мэда т'өнэ. ⁹ Ле һэгэр эм
гёнед хwэ бьдынэ р'уйе хwэ,

* 1:1 Йуһ'энна 1:1.

* 1:2 Йуһ'энна 1:14.

* 1:4 Нав һьнэк дэстньвисарада дэwса «мэ» «wэ» һэйэ.

Әш хвәйе созе Хвә йә у һәқийе дькә, we гөнед мә бьбахшинә у мә жь һ'әму нәһәқийа пақьж кә. ¹⁰ Һәгәр әм бежын: «Мә гөнә нәкьрийә», әм Ви дәрәвин дәрдьхн у хәбәра Ви нава мәда т'өнә.

Иса Мәсиһ пыштгьре мә йә

2 ¹Зар'окед мьн, әз ве йәке вәр'а дьньвисьм, вәки һун гөна нәкьн, ле һәгәр йәк гөнә бькә, ль щәм Баве пыштгьре мә, Иса Мәсиһ, Йе Һәқ һәйә.

² Әш ә мәшала бахшандьна гөнед мә у нә кә т'әне гөнед мә, ле гөнед т'әмамия дьн-йәйе жи.

³ Бь we йәке әм заньн кә әм Ви нас дькьн, һәгәр әм т'әмийед Ви хвәй кьн. ⁴ Йе кә дьбежә: «Әз Ви нас дькьм», ле т'әмийед Ви нақәдинә, әш дәрәвин ә у р'асти нава вида т'өнәйә. ⁵ Ле йе кә готьна Ви дьқәдинә, һ'ьзкьрьна Хвәде р'аст нава вида т'әмам ә. Бь ве йәке әм заньн кә әм нава Вида нә: ⁶ Әшә кә дьбежә: «Әз нава Вида мә», гәрәке өса бьжи, чава Иса жит.

Т'әмия ну

⁷ Дәлално, нә кә т'әмикә ну әз вәр'а дьньвисьм, ле we т'әмия кәвьнә кә һун бәре пешда заньн. Т'әмия кәвьнә әш хәбәр ә, йа кә wә пешда бьһистийә*.

⁸ Ле бәле т'әмикә ну әз вәр'а дьньвисьм, кә р'астийа we йәке чава нава Вида хөйа дьбә, өса жи нава вәда. Чьмки тә'ри дәрбаз дьбә у р'онайа р'аст иди р'онайе дьдә.

⁹ Әшә кә дьбежә: «Әз нава р'онайеда мә», ле бьре ви бәр ч'әва р'әш ә, әш һәла һе нава тә'рийеда йә. ¹⁰ Әшә кә бьре хвә һ'ьз дькә, нава р'онайеда дьминә у набә сәбәб, кә һьнәк жь р'е бьк'әвьн*. ¹¹ Ле әшә, кә бьре ви бәр ч'әва р'әш ә, әш нава тә'рийеда йә, нава тә'рийеда дьгәр'ә у ньзанә к'ода дьчә, чьмки тә'рийе ч'әвед ви кор кьрьнә.

¹² Әз вәр'а дьньвисьм, зар'окно, чьмки бь сайа наве Ви гөнед wә афу^ф бунә.

¹³ Әз вәр'а дьньвисьм, бавно, чьмки һун Ви нас дькьн, Йе кә бәре пешда һәйә.

* ^{2:7} Йүһ'әнна 13:34.

* ^{2:10} Аһа жи те фә'мкьрьне: «У набә сәбәб, кә әш жь р'е бьк'әвә».

Эз вэр'а дьньвисьм, шаһьл-
но,
чъмки хун сэр йе Хьраб к'э-
тън.

- 14 Эз вэр'а дьньвисьм хьшим-
но,
чъмки хун Баве нас дькьн.
Эз вэр'а дьньвисьм, бавно,
чъмки хун Wi нас дькьн,
Йе кӧ бәре пешда һәбу.
Эз вэр'а дьньвисьм, шаһьл-
но,
чъмки хун қәват ын
у хәбәра Хвәде нава вәда
дьминә
у сәр йе Хьраб к'этьнә.

Дьнийәе һ'ыз нәкьн

15 Дьнийәе һ'ыз нәкьн, нә жи
ван тыштед кӧ дьнийәеда нә.
Һәгәр йәк дьнийәе һ'ыз дькә,
һ'ызкьрьна Баве нава вида
т'ӧнә. 16 Чъмки һәр тыштед
кӧ дьнийәеда нә, дьлһавьжи,
ч'э'вһавьжи у к'ӧбар-бабахийа
ви э'мьри йә, әв нә жь Баве нә,
ле жь ве дьнийәе нә. 17 Дьнийәе
жи дәрбаз бә, һавьжийа ве жи,
ле әве кӧ э'мьре Хвәде дьқә-
динә ве һ'эта-һ'этайе бьминә.

Һ'әвза хвә

жь әк'симәсиһа бькьн

18 Зар'но, ва вәхте ахьрийе йә.
У чава вә бьһистийә кӧ әк'си-
мәсиһ we бе, иди гәләк әк'си-
мәсиһ һатьнә. Жь we йәке жи
әм заньн кӧ вәхте ахьрийе йә.
19 Ынәк жь нава мә дәрк'этьн,
ле әв нә жь мә бун. Һәгәр әв
жь мә буна, we т'әви мә бьмана.
Ле әв жь нава мә дәрк'этьн, кӧ
э'йан бә, әв һ'әму нә жь мә бун.

20 Ле вә жь Мәсиһе^ф Пироз^ф
Р'ӧһ' п'ешк'еш^ф стандийә* у хун
һ'әму** жи р'астийе заньн. 21 Эз
вэр'а наньвисьм, чава кӧ хун
р'астийе ньзаньн, ле чава кӧ хун
we йәке заньн, ӧса жи заньн кӧ
һәр дәрәв нә жь р'астийе йә.
22 К'и йә дәрәвин? Һәма әв ә,
йе кӧ дьбежә: «Иса нә Мәсиһ
ә». Әв ә әк'симәсиһ, йе кӧ Бав
у Кӧр' инк'ар^ф дькә. 23 Әве кӧ
Кӧр' инк'ар дькә, һәләқәтийа
ви т'әви Баве т'ӧнә. Ле йе кӧ
Кӧр' иқрар^ф дькә, һәләқәтийа
ви т'әви Баве һәйә.

24 Ава чь кӧ вә пешда бь-
һистийә, бьра әв нава вәда

* 2:20 Бь йунани хәбәр бь хәбәр аһа йә: «Ле хун жь Әви Пироз һатьнә
р'ункьрьне^ф».

** 2:20 Нав һнәк дәстньвисарада аһа йә: «Хун һәр тышти (һ'әмуя) заньн».

бьминэ. Һэгэр әв тыште вә пешда бьхистийә нава вәда бьминэ, һуне жи нава Көр' у Баведа бьминьн. ²⁵ У әв ә әв созе кө Ви да мә, әв жийина һ'эта-һ'этайе йә.

²⁶ Эз ви тышти дәрһәқа ванда вәр'а дньвисьм, йед кө дь-хвазьн вә бьхапийн. ²⁷ Ле чь дәрһәқа вәда йә, әв Р'өһ'е* кө вә жь Мәсиг стандийә, нава вәда дьминэ. Иди нә һ'әшцә йә, кө йәк вә һин кә, чьмки Р'өһ' бона һәр тышти вә һин дькә у чь кө һин дькә р'аст ә, нә дәрәв ә. Чава Әви һун һинкьрн, нав Мәсигда өса бьминьн.

Зар'ед Хвәде

²⁸ Бәле зар'окно, нава Вида бьминьн, вәки чахе Әв ә'йан бә, әм жь һатьна Ви вәнәк'ышьн, ль бәр Ви шәрми нәминьн. ²⁹ Һэгәр һун заньн кө Әв р'аст ә, өса жи заньбьн һәр кәсе кө р'астийе дькә, әв жь Ви буйә.

3 ¹ Бьньһер'ьн, Баве әм чава һ'ыз кьрн, вәки әм зар'ед

Хвәде бенә готье у р'аст жи әм әв ьн. Ләма дьнйа мә нас накә, чьмки әв жи нас нә-кьр*. ² Дәлално, ньһа әм зар'ед Хвәде нә у һәла һе нә ә'йан ә әме бьбьнә чь. Ле әм ве йәке заньн кө чахе Иса ә'йан бә, әме бьбьнә мина Ви, чьмки әме Ви өса бьбиньн, чава һә-йә. ³ Һәр кәсе кө бона ве йәке гөмана хвә данийә сәр Ви, әв хвә өса пақьж дькә, чава кө Мәсиг пақьж ә.

⁴ Һәр кәсе кө гөнә дькә, әв Қануна Хвәде дьт'әр'ьбинә у гөнә^ф хут қанунт'әр'ьбандьн ә. ⁵ У һун заньн кө Мәсиг бона ве йәке ә'йан бу, вәки гөна һьлдә у нава Вида гөнә т'өнә*. ⁶ Һәр кәсе кө нава Вида дьминә, әв нава гөнада наминә, ле һәр кәсе кө нава гөнада дьминә, әви нә Әв дитийә, нә жи нас кьрийә.

⁷ Зар'окно, бьра т'ө кәс вә нәхапийнә. Йе кө р'астийе дькә, әв йәки р'аст ә, чава Иса р'аст ә. ⁸ Йе нава гөнада дьминә, әв жь мирещьн ә, чьмки мирещьн жь бәре пешда гөнә дькә. Бона

* 2:27 Бь йунани хәбәр бь хәбәр аһа йә: «Р'ункьрн».

* 3:1 Йун'әнна 1:12.

* 3:5 Йун'әнна 1:29.

ве йәке Көр'е Хwәде ә'йан бу, wәки кьред мирешьн хьраб кә. ⁹Һәр кәсе кә жь Хwәде буйә, нава гөнада наминә, чьмки бьнйат'а Хwәде нава вида дьминә у әw нькарә нава гөнада бьминә, чьмки жь Хwәде буйә. ¹⁰Зар'ед Хwәде у зар'ед мирешьн бь ве йәке жь һәв тенә фьрцикьрьне: Әwe кә р'астийе накә, әw нә жь Хwәде йә у оса жи әwe кә бьре хwә һ'ыз накә.

Һәвдә һ'ызкьрын у р'успитийа ль бәр Хwәде

¹¹Әв ә әw готьн, йа кә wә бәре пешда бьһистийә: Гәрәке әм һәвдә һ'ыз бькьн*. ¹²Мина Qайин^ф нибьн, кә жь йе Хьраб бу у бьре хwә кәшт. У бона чь әw кәшт? Чьмки кьред wi хьраб бун, ле йед бьре wi қәнш*.

¹³Ә'щәбмайи нәминьн гәли хушк-бьра, һәгәр һун бәр ч'ә'ве дьнйайе р'әш бьн. ¹⁴Әм заньн кә әм жь мьрьне дәрбази жийине бунә, чьмки әм хушк-бьрайед хwә һ'ыз дькьн. Әwe кә һ'ыз накә, әw нава мьрьнеда дьминә. ¹⁵Һәр кәсе кә бьре wi бәр ч'ә'ва р'әш ә,

әw меркөж ә у һун заньн кә нава т'ә меркөжида жийина һ'әта-һ'әтайе т'әнә. ¹⁶Әм бь ве йәке һ'ызкьрьне һ'әсийан: Иса жийина Хwә бона мә да. Әм жи гәрәке жийина хwә бона хушк-бьрайед хwә бьдьн. ¹⁷Ле һәгәр һәбука^ф йәки ве дьне һәбә у бьре хwә һ'әwше тьштәки дьбинә, дьле wi сәр нашәwьтә, һ'ызкьрьна Хwәде чава дькарә дьле вида бьминә? ¹⁸Зар'окно, нә кә әм бь хәбәр йан заре хwә һ'ыз бькьн, ле бь кьра у р'астийе.

¹⁹Бь ве йәке әме заньбьн кә әм жь р'астийе нә у бькарьбьн бь дьләки р'ьһ'әт бәр Хwәде бьсәкьньн. ²⁰Ле һәгәр дьле мә дьса мә нәһәқ кә, Хwәде жь дьле мә мәстьр ә у һәр тьшти занә. ²¹Дәлално, һәгәр дьле мә мә нәһәқ нәкә, әм дькарьн р'усьпи бәр Хwәде бьсәкьньн. ²²У чь кә бьхwазьн, әме жь Wi бьстиньн, чьмки әм т'әмийед Wi дьқәдиньн у әw тьштед кә ль Wi хwәш тен, әм wан дькьн. ²³У әв ә т'әмийа Wi, кә әм бawәрийа^ф хwә наве Көр'е Wi Иса Мәсiһ биньн у әм һәвдә

* ^{3:11} Йуһ'әнна 13:34.

* ^{3:12} Дәстпәбун 4.

h'ыз бькьн, чава кӧ Эви т'эми
ль мӧ кьр*. ²⁴У әве кӧ т'эмийед
Ви хвэй дькә, нава Хвәдеда
дьминә у Хвәде жи нава ви-
да. У әм жь ве йәке заньн кӧ
Әв нава мӧда дьминә, бь ви
P'öh'e кӧ Эви дайә мӧ.

P'öh'e p'ast y p'öh'e дәрәв

4 ¹Дәлално, бавәрийа хвә
һәр р'öh'и нәйньн, ле ван
р'öh'a бьшер'ьбиньн^ф, гәло әв
жь Хвәде нә? Чьмки гәләк
п'ехәмбәред дәрәв дәрк'әтьнә
дьне. ²Һун бь ве йәке дькарьн
P'öh'e Хвәде нас бькьн: һәр
р'öh'e кӧ Иса Мәсһи бь хун у
гошт һати иқрар дькә, әв жь
Хвәде йә. ³Ле һәр р'öh'e кӧ
Иса бь хун у гошт һати иқрар
накә, әв нә жь Хвәде йә. Әв
жь әк'симәсһи ә, бона к'ижани
вә бьһистьбу кӧ we бе у иди
әв ль дьнйайеда йә.

⁴Һун жь Хвәде нә, зар'окно
у һун сәр п'ехәмбәред дәрәв
к'әтьнә, чьмки Әв P'öh'e на-
ва вәда жь ви р'öh'e кӧ нава
дьнйайеда йә мәстър ә. ⁵Әв
жь дьнйайе нә, ләма әв жь
дьнйайе хәбәр дьдьн у дьнйа

гӧһдарийа ван дькә. ⁶Әм жь
Хвәде нә. Йе кӧ Хвәде нас дькә,
әв гӧһдарийа мӧ дькә. Йе кӧ
нә жь Хвәде йә, әв гӧһдарийа
мә накә. Бь ве йәке әм P'öh'e
р'астийе у р'öh'e нәр'астийе жь
һәв дәрдьхьн.

Хвәде һ'ызкьрьн ә

⁷Дәлално, дә әм һәвдӧ һ'ыз
бькьн, чьмки һ'ызкьрьн жь Хвә-
де йә у һәр кәсе кӧ һ'ыз дькә
әв жь Хвәде буйә у Хвәде нас
дькә. ⁸Йе кӧ һ'ыз накә әв Хвәде
нас накә, чьмки Хвәде һ'ызкь-
рьн ә. ⁹Бь ве йәке һ'ызкьрьна
Хвәде һьндава мӧда хӧйа бу,
гава кӧ Эви Кӧр'е Хвәйи Тайе
Т'әне шандә дьнйайе, вәки әм
бь Ви бьжин. ¹⁰Һ'ызкьрьн әв
ә, нә кӧ мӧ Хвәде һ'ыз кьр, ле
Эви әм һ'ыз кьрьн у Кӧр'е Хвә
шанд чава мәщала бахшандь-
на гӧнед мӧ. ¹¹Дәлално, һәгәр
Хвәде аһа әм һ'ыз кьрьн, вәки
ӧса йә гәрәке әм жи һәвдӧ
һ'ыз бькьн. ¹²Т'ӧ кәси Хвәде
т'ӧ щара нә дитийә. һәгәр әм
һәвдӧ һ'ыз дькьн, Хвәде нава
мӧда дьминә у һ'ызкьрьна Ви
дьле мӧда гьһиштиә*.

* ^{3:23} Йуһ'әнна 13:34; 15:12, 17.

* ^{4:12} Йуһ'әнна 1:18.

¹³ Бь ве йәке әм заньн кӧ әм нава Вида дьминьн у Әви жи нава мѣда, чьмки Әви жь ви Р'ӧһ'е Хвә дайә мә. ¹⁴ Мә дит у әм шә'дәтийе дьдн, кӧ Баве Кӧр'е Хвә шанд, вәки бьбә Хьлазкьре^ф дньйайе. ¹⁵ Һәгәр йәк иқрар дькә кӧ Иса Кӧр'е Хвәде йә, Хвәде нава вида дьминә у әв жи нава Хвәдеда. ¹⁶ Ава әм ве һ'ызкьрна Хвәдейә һндава хвәда нас дькьн у бавәр дькьн.

Хвәде һ'ызкьрын ә у йе кӧ нава һ'ызкьрнада дьминә, әв нава Хвәдеда дьминә у Хвәде жи нава вида. ¹⁷ Һ'ызкьрын аһа дьле мѣда гьһиштиә, вәки Р'ожа^ф Ахрәте әм р'усьпи бьн, чьмки Мәсиһ ве дньйайеда чава дәрбаз кьр, ӧса жи әм дәрбаз дькьн*. ¹⁸ Һ'ызкьрнада тьрс т'ӧнә, ле һ'ызкьрна гьһишти тьрсе дур дьхә, чьмки тьрс хвәйищәфа йә у әве кӧ дьтьрсә, әв һ'ызкьрнада һе нәгьһиштиә.

¹⁹ Әм һ'ыз дькьн, чьмки Әви пешда әм һ'ызкьрын. ²⁰ Һәгәр йәк бежә: «Әз Хвәде һ'ыз дь-

кьм», ле бьре ви бәр ч'ә'ва р'әш ә, әв дәрәва дькә. Һәгәр әве бьре хвә кӧ дьбинә һ'ыз накә, әв нькарә Хвәде һ'ыз бькә кӧ набинә. ²¹ У Әви әв т'әми дайә мә: Әве кӧ Хвәде һ'ыз дькә, әв гәрәке бьре хвә жи һ'ыз бькә.

Бь бавәрийа сәр Иса Мәсиһ әм дньйайе бьндәст дькьн

5 ¹ Һәр кәсе кӧ бавәр дькә, Иса, Мәсиһ ә, әв жь Хвәде буйә у һәр кәсе кӧ Баве һ'ыз дькә, әв зар'а Ви жи һ'ыз дькә. ² Бь ве йәке әм заньн кӧ әм зар'ед Хвәде һ'ыз дькьн, гава әм Хвәде һ'ыз дькьн у т'әмийед Ви дьрәдиньн. ³ Чьмки бь ве йәке әм һ'ызкьрна хвә һндава Хвәдеда дьднә к'ьфше, гава әм т'әмийед Ви хвәй дькьн. У т'әмийед Ви нә гьран ьн*, ⁴ чьмки һәр кәсе кӧ жь Хвәде буйә, дньйайе бьндәст дькә. У бь ви авайи әм дньйайе бьндәст дькьн, ава готи бь бавәрийа хвә. ⁵ У әв к'и йә, йе дньйайе бьндәст дькә, пештьри әве кӧ бавәр дькә, кӧ Иса Кӧр'е Хвәде йә.

* ^{4:17} Аһа жи те фә'мкьрне: «Чьмки һәләқәтийа Мәсиһ чава т'әви Баве Ви һәйә, ӧса жи йа мә».

* ^{5:3} Йун'әнна 14:15.

**Шә'дәтийа бона Иса
Мәсиһ**

⁶ Эва йә, йе кӧ бь хун у аве hat, Иса Мәсиһ*, нә кӧ т'әне бь аве, ле бь хун у аве. У Р'ӧһ' ә, йе кӧ шә'дәтийе дьдә, чьмки Р'ӧһ' р'асти йә. ⁷ Чьмки әв һәрсек ын, кӧ шә'дәтийе дьдьн: ⁸ Р'ӧһ', ав у хун. У шә'дәтийа ван һәрсека йәк ә*. ⁹ Һәгәр әм шә'дәтийа мәрва^ф қәбул дькьн, шә'дәтийа Хвәде һе зедә йә, чьмки эва шә'дәтийа Хвәде йә, кӧ бона Кӧр'е Хвә шә'дәти да. ¹⁰ Йе кӧ бавәрийа хвә Кӧр'е Хвәде тинә, нава вида әв шә'дәти һәйә. Йе кӧ бавәрийа хвә Хвәде найнә, әв Хвәде дәрәв дәрдьхә, чьмки бавәрийа хвә we шә'дәтийе найнә, йа кӧ Хвәде бона Кӧр'е Хвә шә'дәти да. ¹¹ У әв

ә шә'дәти, кӧ Хвәде жийина һ'әта-һ'әтайе да мә у әв жийин нава Кӧр'е Вида йә*. ¹² Кӧр' дьле к'еда йә, жийина ви һәйә, ле Кӧр'е Хвәде дьле к'еда т'ӧнә, жийина ви т'ӧнә.

Жийина һ'әта-һ'әтайе

¹³ Эз ван тышта вәр'а дьнь-висьм, йед кӧ бавәрийа хвә нава Кӧр'е Хвәде тиньн, вәки һун бьзаньбьн жийина вәйә һ'әта-һ'әтайе һәйә. ¹⁴ Әм ль бәр Хвәде р'усьпи нә, чьмки әм заньн, һәгәр әм тыштәки ль гора хвәстына Ви же бьхвазьн, Әв дәнге мә дьбьһе. ¹⁵ У һәгәр әм заньн кӧ әв һәр тыштед кӧ әм же дьхвазьн дьбьһе, ӧса жи әм заньн чь кӧ әм же дьхвазьн, әме бьстиньн.

¹⁶ Һәгәр йәк бьбинә кӧ бьре ви гӧнәк кьрийә, ле набә

* ^{5:6} Гәләк ве р'езе аһа фә'м дькьн: «Эва йә, Йе кӧ бь хуна мьрна Хвә у ава ньхӧманьна Хвә, Хвә да ә'йанкьрьне чава Мәсиһ». Ль гора һинкьрьна гьностикийе Иса чава мәри дькарьбу бьмьра, ле Мәсиһ ава готи Кӧр'е Хвәде чава йәки р'ӧһ'ани нькарьбу бьмьра. Әв дәрсаред хальфи т'әне ньхӧманьна Вийә пе аве қәбул дькьрьн. Йүһ'әнна ве дәре мьрабьли we һинкьрьне ньвисийә.

* ^{5:8} Нав дәстньвисаред пашвәхтийеда аһа жи һәйә: «Сьсе ә'зменда шә'дәтийе дьдьн: Бав, Хәбәр у Р'ӧһ'е Пироз, әв һәрсек йәк ын. Ӗса жи сьсе сәр ә'рде шә'дәтийе дьдьн: Р'ӧһ', ав у хун». Ле нава дәстньвисаред кәвьнда әв йәк т'ӧнә.

* ^{5:11} Йүһ'әнна 1:4; 3:36.

бәрбь мьрьне*, бьра бона ви дӱа бькӱ у Хвӱде we жийине бьдӱ ви. Эз ве йӱке һьндава wанда дьбежьм, к'ижанед кӱ гӱне бәрбь мьрьне накьн. Гӱнӱ һӱйӱ кӱ дьбӱ бәрбь мьрьне. Эз набежьм, кӱ бона ве йӱке дӱа бькьн. ¹⁷ Н'ӱму нӱһӱқи гӱнӱ йӱ, ле гӱнӱ һӱйӱ кӱ набӱ бәрбь мьрьне.

¹⁸ Эм заньн һӱр зар'ӱкӱ Хвӱде нав гӱнада наминӱ, ле Ньхӱрийе Хвӱде ви хвӱй дькӱ у йе

Хьраб незики ви набӱ. ¹⁹ Эм заньн кӱ эм жь Хвӱде нӱ у т'ӱмамийа дьнйайе бьн һ'ӱкӱме йе Хьрабда йӱ. ²⁰ Ле эм ӱса жи заньн кӱ Кӱр'е Хвӱде һат у фӱ'м да мӱ, wӱки эм Йе Р'аст нас бькьн. Бӱле эм нава Йе Р'астда нӱ, чьмки эм нава Кӱр'е Wi Иса Мӱсиһда нӱ. Эв ӱ Хвӱдеие р'аст у жийина һ'ӱта-һ'ӱтайе.

²¹ Зар'ӱкно, хвӱ жь п'утп'арьстийе^ф хвӱй кьн.

* ^{5:16} Аһа жи те фӱ'мкьрьне: «Гӱнӱки кӱ накӱжӱ кьрийӱ».